

丁卯大同大雪

戊辰建 犯宣府膳房堡

兵部尚書楊嗣昌薦職方郎中趙光忭


甲戌晉江諸生蔡鼎奏臣嘗西游宣游見宣之右衛膳房柴溝平野低墻綿亘數百里雲之鎮邊守口坦迤亦數十里是宣雲之有可慮也雲中飢荒連年士卒艱食較宣尤甚巢穴昌孔有德之徒奸謀相引是不可不早杜也所入果在宣雲則所中必及真定保定彼意以所未入其掠必厚又意吾備在京在邊愈入愈西則當之愈脆龍門紫荆綢繆正在此時

白水馬水客路吳王諸口尤要彼以全部擁一口勢不下數萬我欲以數千過之雖廉魏不能待其既入尾而後突擊其不備探其老營銜枚掩襲此吾便也關內郡縣最衝次衝何城可守不可守增險設旅擇吏甲法關外諸堡或併或棄或增或減在今日不可不早定也通政司格之不上

丁丑檢討楊士聰復劾吏部尚書田維嘉閣臣密報唯嘉為備時田氏蒼頭下錦衣衛

戊寅大學士賀逢聖致仕

四川寇走階文間搃督孫傳庭令搃兵官曹變蛟截剿自趙



鄆縣策應

工科右給事中吳宇英劾孫傳庭縱寇入四川

癸未蔣德璟為右春坊右庶子郭建邦傳永淳為左右通政

覆試河南貢士曹鳳貞下吏科都給事中劉安行獄鳳貞父

撫督文衡又安行塔硃墨多塗抹禮科都給事中薛國觀磨

勘特寬之兵科都給事中凌義渠調福建布政使叅政大理

寺副孫三杰發其事覆試二義悖謬閣臣猶寬擬 上親閱

以支離鳳貞除名

誠意伯劉孔昭提督操江

諭兵部責成各道修練儲備

逮巡撫四川王維章搃兵侯良柱初陝西寇自階文破寧羗

趨廣元白水犯龍安府出綿州直犯成都大殺掠仍出階嶽

向陝西屯聚

乙酉制勅房禮部郎中兼司經局正字侍書黃應恩削籍下

刑部應恩小人歷事久闕通中外舊制詞臣于殿閣大學士

為同官而中書特從吏即積資至九卿不得鈞禮張至發外


入廢掌故應恩挾中官重示籠絡又為調音心益驕無舊節

檢討楊士聰與語不合立具奏又移書至發責數之至發陰

國權

崇禎十一年

八




右應恩而應恩撰故提督楊鶴贈誥文進呈不註職名
上怒其違玩楊嗣昌以父鶴疏救不允大理寺副前詹事府主簿曹全劾應恩通賄并劾至發遂命下應恩于獄論死
吏部尚書田唯嘉免兵科都給事中調福建布政司叅政凌義渠劾唯嘉貪污受周汝弼八千金轉巡撫畏臣發其私因會議解汝弼任決計逐臣

丁亥提督川湖雲貴兼巡撫貴州尚書兵部朱燮元卒字懋和浙江山陰人萬歷壬辰進士授大理寺評事遷寺正出知蘇州有惠政陞廣東按察副使歷陝西按察使分巡隴右進


四川左右布政使天啟初奢寅叛力守成都進巡撫平其亂進提督明敏有器度善用人川貴多故所向成功安位納土西南賴之洵一代偉人也年七十二予祭壘贈太師世錦衣衛指揮使

癸巳戶部主事張縉彥奏臣任清澗知縣于兵情賊勢目見有素蓋賊之得勢在流而賊之失勢在止賊之長技在分而賊之窮技在合賊之乘時在夏秋而賊之失時在冬春賊之得計在以塘馬戰而老營避在以火光近而真營遠賊之失計在行營不知備截殺不相救臣請一言之昔大賊王佳



亂破河曲據其城延綏巡撫洪承疇率曹文詔等奪門破殺
而佳亂殲李老豺破中部據其城巡撫練國事兵備道張福
臻督兵攻圍而老豺擒一元破寧塞據其城左光先費邑宰
等與戰而一元死譚雄破安塞據其城王承恩李卑等攻圍
而譚雄誅此皆守而不去之賊故速死也是以惠登相馬守
應馬盡忠等賊破城邑七笑或本日即出或一二日即出官
兵未至已奔走逃逸此皆流而不居之賊故緩死也賊入晉
豫以來分頭或移在秦西安延慶鞏平漢興商雒既無處不
被賊而汝雒開歸南黃潁亳以及江北又無處不被賊豈賊

真有數十百萬蓋分股以破其黨以牽我兵故多見也若可
天飛之賊合于鉄角城則盡殲不粘泥之賊合于西川亦盡
滅即前搃督陳奇瑜驅天下之賊盡合漢中出棧道關大
困矣政可一鼓而滅乃以招安敗遂至不可復收古人以八
月而平賊數萬者利其合也夏秋之間糧芻盡在場圃田苗
足供馬食冬春非破城攻堡不能得食官兵促之則尤易故
時有利不利也臣在三原賊屢掠其地初至則塘馬數百疾
如風雨出沒不常殺民衝兵皆是也官兵每偵其老營而後
擊不知老營已在數十里外急走矣夜下營近城廬舍火光



蔽空而老營亦在數十里外，潛住官兵望火光，龍之每墮其計。此賊之狡也。欲走必其營發烟火，使人不知所避。若乘勢要擊，定然狼狽。雖有殿音，亦不戀戰。以少殺衆，端在此持賊不難殺。在亂其所長而使之短，破其所得而使之失，直截以攻之。挑兵馬三四萬為頭敵，分兩軍一追一駐，更番迭出，賊當之必破矣。賊黨雖數十，所觀望先倡不過一二枝，盡一股則論賞不必事平彙叙。縱一股則論罰不許報級。塞責賊不望風而靡，末之有也。上是也之。

建下三萬騎自瀋陽趨白澤，宣府偵卒出張家口被執同叛人周元忠至，請揮漢舊賞。巡撫劉永祚閱視太監王夢弼俱佯許之。徐奏其事，兵部尚書楊嗣昌請建下互市不許。


新鄉雨黑水

是春熒惑在木火徘徊，氏房占曰：宜節章光，遯遠戎器。

四月甲午朔，奪洪承疇宮保尚書，仍侍郎。搃兵左光先曹變蛟並奪五級。

戊戌新廠災斃七百餘人。

辛丑先是，搃理熊文燦專主撫盜，張獻忠佯許之。文燦請貸其罪，安置保康山中。報可。獻忠求襄陽一郡以屯其軍。文燦



議餉二萬人獻忠乞餉十萬人遷延未就至是降于穀城文
燦受之于是諸賊益輕王師遂日蔓不可制。

進都督王朴太子太保

壬寅兵部職方主事李成名言臣前官刑部在繫一千五十

餘人聚居蒸鬱乞即審結 上善之

癸卯朱國棟為太常少卿

甲辰劉之鳳為刑部尚書

乙巳御經筵訖

項煜待罪不至諭閣臣俾煜回奏又

召六部諸臣楊嗣昌述孟子盈城盈野善戰上刑等語蓋欲

款建下借之窺上指 上曰此孟氏為列國爭先耳今一屬

國雖不能伸九伐之威何至出漢人下策今後勿復爾、又

言湖廣巡撫余應桂任將之失嗣昌上章引罪 其言自甚

丙午常自裕為南通政 八十五無幾計八更歸十月終


戊申先是兵科都給事中姚思孝言開市撫賞目前馭下一

大机以不即輕給稍示鄭重彼遂其欲吾亦濟其事何損威

失體之有事下兵部楊嗣昌復奏先朝封貢撫賞名甚尊體

甚正孟子曰樂天者保天下本朝有之今又一時也建下暫

退政我好事成事之會密詢邊臣各出所長臣不敢偏執以



妨大計也。

諭戶部均輸累民其山塘湖蕩仍予蠲豁

大學士張至發罷

故馬鳴起贈少傅

巳酉大學士孔貞運致仕

夜丑刻熒惑去月僅七八寸至曉逆行尾八度掩于月按成

化十一年月癸卯曉刻月夜半宿猶未如是甚也自春夏

至秋熒惑守尾一百五十餘日後去

甲寅魏炤乘為兵部左侍郎協理京營王命璿張承為刑部

左右侍郎

都督僉事劉光祚為提兵官鎮守保定

故監軍副使黃孫茂贈太常卿世外衛副千戶

戊午故吳賜玉贈江西按察僉事

辛酉上御中左門召考選諸臣五人為班進問兵食之

計知縣曾就義曰百姓小困皆由吏之不廉使守令俱廉即

稍從加派以濟軍需亦未為不可上拔第一永城知縣成


仲龍為兵科給事中兵部主事郭景昌召對旨改為雲南道

御史

國權

崇禎十一年

十三




楊士聰曰未几即有剽餉練餉之加寔因曾謙而決計也夫為政須令有餘地雖克舜在上不能使吏皆廉吏未必廉而加者真加困者乃真困也曾豈真昧乎此不過一時逢迎姑借以為功名地耳

五月癸亥朔錦衣衛上田氏蒼頭獄命再訊之

總督宣大盧象升乞守制總督大同山西等處御馬監太監陳貴奏留從之

甲子諭禮部火星違度朕先素服減膳其諸臣各引罪兵科給事中錢增劾楊嗣昌主款嗣昌引罪

丁丑欽定考選官曾就義李士淳朱天麟黃文煥黃奇遇虞國鎮為編修張縉彥汪偉屠象美馬剛中為檢討王調鼎熊維典李希沆張希夏張作楫耿始然解學尹成仲龍李清孫承澤吳希哲張淳為給事中李嗣京秦廷臻汪游龍喻上猷李春泰任濬楊鶚李雲鴻柯元伯左永圖宗敦一張爾中鄧希忠黃諫卿張懋爵王章蔡鵬霄陳天工高明衡郭景昌徐養量羅起鳳王聚奎涂必泓甘維榮王範為試御史閻嗣科葉樹聲林景友詹兆恒為南京試御史張若騏沈迅為刑部主事



丙寅商周祚為吏部尚書許世蓋為戶部右侍郎督理錢法
李覺斯為工部右侍郎

丁卯主事李焜夏尚綱沈胤培為給事中李預張懋禧宋學
朱為試御史

故 劉宇揚贈太常少卿

夜受感退至尾初度漸入心宿


癸酉許懋督宣大盧象升守制

錦衣衛指揮僉事鄒國相請稅煤炭不許降國相千戶

己巳浙江提學僉事劉鱗長言八事尊聖道邱靖難諸臣定


禮制習射禮訪逸才清偽庠重教職扣久廩蠲諸生優免章
下部議

兵部尚書楊嗣昌言聖意倦、星未順行素服減膳臣聞月
食五星古來異變史不絕書然亦觀其時主德何主政事相
感災祥之應不一其致今茲月食火星在前月己酉寅卯之
辰臣臆斷之戊申己酉納音屬土律應中宮然有陰陽之分
戊申陽宮主帝座己酉陰宮主后妃其時寅卯適值 熹廟
成妃發引百官郊奠所謂白衣之會在陰宮已應 主上無
庸致疑一也當食之時火星觸月在干上角不在中央亦不



在下 主上無庸致疑二也惟是歷載是日火躔尾八度月
躔尾十二度相距不遠萬里何為相掩若果掩于八度當在
戊申之亥何為已酉之寅將謂掩于十二度則火方逆行忽
無順行五度之理以此推之必月行見火而遲有將進將退
之象其災祥亦可推也火留守尾始三月戊寅既留而逆復
始于丙戌戊寅丙戌納音皆陽宮至于己酉陰宮乃觸太陰
入而不見斯為月食尾者蒼龍之尾水星也火留逆之為守
所不勝故其觸月亦不勝而為月食也時方黎明月遂西匿
若其尚早當復見星貫月而出火星貫月陰國當之其國貴


人兵死不出五年國亡李唐州郡躔次漁陽上郡入尾則今
順德永平之間北地西河上郡入尾則今陝西延安慶陽山
西汾永之地遼東遼西入尾則今河東河西我與建人共之
者宋人精義賦曰尾箕析木幽燕是稱溟渤碣石高麗暨三
韓之所盡自北平保定終北紀之所窮是則陰國當之自有
其應非臆說也且古月食熒惑不為大災蓋亦有之漢光武
帝建武二十三年丁未三月月食火星其年無事明年匈奴
八部大入立呼韓邪單于款五原塞事下公卿議者皆以為
天下初定中國空虛夷人情偽不可知不可許中五軍中郎



將耿國獨以為孝宣故事受之以率屬四夷完復邊郡從之
孝明帝永平二年己未十二月月食火星頻年無事皇后馬
氏德冠後宮嘗衣大練明帝圖畫功臣于南宮雲臺馬援以
椒房之戚抑不預焉唐憲宗元和七年壬辰正月月食熒惑
其年田興以魏博來降李絳請推心撫納結以大恩遣知制
誥裴度至魏博宣慰以錢百十萬緡賞軍士六州百姓給復
一年宋太宗太平興國二年戊寅七月月掩熒惑明年興師
滅北漢車駕遂征契丹連年兵敗宰相張齊賢疏聖人舉事
動出萬全必先本後末安內養外之說進臣愚所聞如此以

為月食火星猶幸在尾內則陰宫外則陰國 主上脩德以
召和治內以戚外必有災而不害者若夫火猶逆行五月丁
丑當入乎心踰旬戊子留而守之六月丙申順軌方去心為
明堂熒惑廟也五星行入廟謹候其命尤不同于尾 皇上
精誠感召星行或不至于心或雖至于心而不犯也


楊士聰曰嗣昌此疏論者謂入相之机括所引漢事稱其
年無事攷之漢書不然建武二十三年正月南郡蠻叛遣
武威將軍劉尚討平之徙其種人于江夏十二月武陵蠻
叛遣尚討之戰于沅水尚軍敗沒二十四年武陵蠻復寇



臨沅謁者李嵩山中太守馬成討之不克二十五年馬援
討平之是年匈奴部人始立呼韓邪單于內附而嗣昌以
為月食火星之明年何與永平二年少府陰就子豐坐自
殺陵鄉侯梁松坐蜚書誹謗下獄死而圖畫雲臺則三年
事也事雖在近于月食火星有何涉焉以上諸事攷之近
日亦有相類建下南下陷七十餘城而連年流賊橫于楚
分即漢之南郡武陵不烈于此矣李武清亡子指揮亦死
再踰年而有黃解之役天道雖遠何古今之略相似也雖
然嗣昌武陵人也年來彈嗣昌者輒鑄官抵罪可與劉尚

之敗沒李嵩馬成之不克同一例觀而嗣昌之誤君誤國
憑寵蔑親當亦不愧盤馘之種與
設遷曰星歷之學非楊嗣昌所諳而推言之類詳意專為
建下而發力主市賞引孟氏引漢款匈奴唐宣慰魏博事
以覲一當而借月食火星演之化災為祥奸臣之禍人國
巧矣哉


丁丑工科都給事中何楷上言火星四月十六夜逆行至尾
八度為月所掩今五月望日已退至尾初度漸次入心古人
皆言月變脩刑又言禮虧則罰見熒惑誠欲措刑莫如右禮



誠如右禮蓋先省刑今爰書之贖極矣部司議宥止重辟數人而未結之案先後繫、誰復過而問焉會典熟審事例有輕重因犯作急問理及出獄聽候之令今亦可倣而行否楊嗣昌縷、援引出何典記引建武赦塞故事欲借以伸市賞之說也引元和宣慰故事欲借以伸招撫之說也引太平興國連年兵敗故事欲借以伸不敢用兵之說也至變惑出入以其所舍命國載在史記漢書甚明即守犯心尾各有其占不專于明堂 皇上精晰圖籍必垂洞鑒嗣昌附會誠巧至永平二年所述皇后馬氏等語更不知意所指斥安在且前

言后妃後言陰宮一篇之中三致意焉是何為者耶嗣昌奏辨于市賞招撫不置論但言科臣挑激危机中臣隱禍蓋指雲臺椒房一事也

中書舍人陳龍正言夏至祭地預請冬至先一日迎陽南郊或曰以禮經諸史未有明文攷易復卦大象云雷在地中復先王以至日閉關商旅不行后不省方便先王以至日南郊其為省方也大矣孔子垂訓彰、如是庸得膠泥舊文不求至當耶或曰南郊果先一日如北郊何曰陰本靜方其初生以靜承之陽本動方其初生貴養之以靜北郊宜至日南郊



宜至先一日報聞

戊寅遵化喜峰口雪三尺

壬午李若星為兵部右侍郎提督川湖雲廣軍務兼巡撫貴州

丙戌始定高墻罪宗五年審例又京師官民殊死以下許保候即結案

丁亥施邦曜為南光祿卿

己丑詹事府姚明恭王鐸為禮部右侍郎教習館員

庚寅中書舍人陳龍正言頃蒙聖恩許流徒以下悉許保候

實踰望外臣更有請者惟是小民犯罪尚祈聖明大擴好生之仁人命至重痛極輒自誣故不貴專信而取無疑不務必得而甘或失惟至明至聖如虞聖然後存此疑能居此夫耳今日皇仁已霽天心已憐已因行之德意擴而充之于民間重犯細求疑情廣開三面臣不敢避妄言之愆報聞


六月壬辰朔安民賑災餘傷人亡美武庫凡空發五千金賑恤益周祚為大理卿陳新甲為兵部右侍郎提督宣大山西先是有人旨并推在籍守制蓋楊嗣昌為新甲地也

雲南道御史郭景昌論大學士孔貞運奪俸三月

國權

崇禎十一年

二十




乙未南戶科給事中張焜芳劾前吏部尚書田維嘉及前巡
鹽兩淮御史史堃盜鹽課二十一萬寄中書舍人汪机家命
奪机官并按之巡視兩淮鹽法太監楊顯名亦叅唯嘉堃命
逮堃下刑部獄

丁酉湖廣道試御史林蘭友劾大學士張至發票擬屢誤經
畫無聞薛國觀為禮科時磨勘曹鳳貞試卷知其悖謬瞻狗
不舉吏部尚書田唯嘉鬻權集賄已有繁言兵部尚書楊嗣
昌一聞胡騎束手無策唯言市言賞苟且僥倖是豈 皇上
所以奪情意乎忤旨謫浙江按察知事

辛丑起惠世揚兵部右侍郎

壬寅戶部主事李鳳鳴言火星逆行常而非災禮科給事中
解學尹糾其謫

癸卯陳龍正上言今之輔臣職無不統 世廟寶訓云此官
雖無相名寔有相職洋、聖謨至矣哉夫明相職然後可辨
相才相職云何居恒則位置六卿有事則謀定大將是也頃
者輔臣嘗數人不為不感然未聞搜訪逸才足民裕國安內
攘外為已任而分至尊之憂哉豈真無心報主退然甘讓古
名臣亦多謂票擬之分無他習慣而然耳臣愚以為今後允



卿貳專閫會推各以保舉責之數月年之間搃計所薦多稱
職即某輔賢多曠官即某輔不逮將得其人而兵戢寇弭即
某輔功將非其才而兵驕寇熾即某輔咎又曰頃自行入司
副倪元珙請輔臣票擬各自注名票擬之職全在據理持平
果是非見真自應徹終如始 上是之
丙午張其平進右副都御史
吏部會推閣員不允命再酌之謂詞臣不拘資序前旨甚明
何濫狗游移也其并推在籍堪任哉
已酉吏部尚書商周祚等于中極殿時推馮元颺巡撫陝西

上以元颺非巡撫才召對三十餘人各問兵食


戶部尚書程國祥言京師賃房月租及天下會推住人出脩
理若干可得五十萬工部右侍郎蔡國用言崇文宣武門街
石除中道外餘培脩外城

搃督兩廣張鏡心至韶州巡撫偏沅陳睿謨至桂陽巡撫廣
西林贛至全州巡撫南贛王之艮至南安會兵討寇

辛亥故 孫贊化贈左都御史

逮巡撫湖廣余應桂

甲寅鍾炆為右僉都御史




乙卯吏部右侍郎劉宇亮禮部右侍郎傅冠戶部尚書程國
祥兵部尚書楊嗣昌工部右侍郎蔡國用左僉都御史薛國
觀俱改禮部尚書禮部右侍郎方逢年大理少卿范復粹並
進禮部左侍郎並兼東閣大學士
丙辰進盧象升兵部尚書
丁巳武英殿中書舍人許曦訐奏故庶吉士鄭鄴杖母汚妹
總章下法司

庚申董羽宸為吏部左侍郎方孔昭右僉都御史巡撫湖廣
是月南北直隸山東河南大旱蝗

建 屯大青山求款巡撫遼東方一藻以聞言敵強我弱引
隆慶封俺答故事兵部尚書楊嗣昌陰主之總督盧象升言
講市不講賞許棟漢不許建

七月壬申朔命楊嗣昌大祀大慶暨傳制頒詔諸大典不預直
閣素服朝講召見如常服隨班其入直受事俱如所請嗣昌
奏先理部務早則早入直晚則晚入直倘竟日晚則免入臣
父服歷二十四月母服歷二十一月然嗣昌于丁丑二月起
朝時父服閱十八月母服才五月也若奪情之命又先乎此
癸亥溫體仁卒字長卿浙江烏程人萬歷戊戌進士官編修




歷禮部右侍郎轉左夏去起南禮部尚書崇禎初改北以訐
錢謙益故下不公大為朝議所訾尋兼東閣大學士歷左柱
國少師兼太子太師吏部尚書中極殿大學士癸酉罷忤刻
險陰釀禍國家卒贈太傅謚文忠迨甲申弘光朝有旨奸佞
異常貽毒深遠奪廢謚以昭公道
乙丑工科給事中何楷論嗣昌入閣吉服忘親有旨責楷過
苛求

戊辰郭建邦為太僕卿

詔責總理熊文燦

少詹事黃道周言宣大總督部推有在籍守制之旨遂舉陳
新甲天下即無才未宜移借及此也聖主焦勞十年卒欲與
不祥之人拂拭之責其成功萬不可况比來寧錦偵胡尚
未越塞而宣雲警報云九營十營衣青蟒甚多且如議賞兵
部云義州馬市可界陛下亦思諸臣豈無一定策效謀者
而空破非常之格以奉不祥之人也楊嗣昌奏辨不問道周
又力斥款議曰無論建下必不可款必不可成必不可
久即款矣成矣久矣以視寧錦遵薊宣大之師何處可撤而
遽謂款建下之後可撤兵中原以討流寇此亦不思之甚矣



疾不許

召文武大學臣于平臺及黃道周 上諭商周祚枚卜濫狗

周祚引咎諭戶部右侍郎許世蓋豫餉次問楊嗣昌建卜哨

騎六千又送炮各路柰何對曰今秋敵入事殆未然又塞外

險阻車炮恐非所便次問刑部劉之鳳王命璿次問工部劉

遵憲李覺斯次問左都御史鍾夔徐鑛等各對訖次問道周


曰朕自經筵來頗知學問無所為而為之謂天理有所為而

為之謂人欲爾前疏時適枚卜果無所為乎對曰無所私

上曰前月二十八日推陳新甲何不疏為對曰先草上以未


設遷曰異時建 款塞中外陰主其說天子未之許時疑
建 何事須款直窺我耳頃聞彼初志頗惓切非詒也若
然則深憂過計之臣不無膠泥乎哉曰否 匈奴和親韻
利受盟曾几何時即鳴鏑向于塞下今敵強我弱又中
行說李信之流以翼之城守堅瑕兵甲聚散如燭照數計
然肯交臂奉約束等于俺答必不然之數也或一二歲無
逞勢亦邀索不已狗之難饜持之易離與其悔後曷若慎
始故廟謨堅定雖無款于敗要亦未敢以為非也

己巳 科給事中熊維典糾吏部尚書商周祚狗私周祚引



刻晚止。上曰：三疏誰止之？曰：同鄉御史林蘭友給事中何楷有疏恐嫌疑。上曰：今遂無嫌乎？曰：以天下綱常邊疆大計，失今不言，後無及矣。上曰：頃開言路，何必今日？曰：在先可不言，今嗣昌簡任，所惜綱常名義非私也。上曰：清雖美德，不可傲物，遂非我。太祖祖訓云：俗儒是古非今，奸吏舞文弄法，政是此輩。伯夷為聖之清，若小廉曲謹，不受餽遺，止為廉，未為清。道周曰：伯夷大節可觀，心事明淨，孔子遂許其仁。上怒其強說，道周又極詆楊嗣昌奪情，嗣昌出曰：臣不生，于空桑，豈不知父母？臣嘗再辭，但明旨敦迫，黃道周學行

人宗，今疏上自謂臣不如鄭鄮，臣始太息絕望。古人有言：禽獸知母而不知父，鄮之杖母出禽獸下。道周又不如鄮，何言綱常？上曰：對君有體，前疏綱常後橫言耳。道周曰：臣寔過激。上曰：爾污鱗大臣，搃有別故。臣曰：不忍見奪情。上曰：若然，何不如鄭鄮也？曰：臣文章不如鄭鄮。上責其朋比。道周曰：衆惡必察。上曰：嗣昌薦陳新甲云：何邪徑？曰：臣不識新甲，但蜀人皆言之。須兩三月抵任，盧象升可司馬，不可政府。上曰：今人有所為，尤在綱常名教。道周曰：綱常名教非臣一人之私。上以救鄭鄮責之，對曰：宋人惡李定，不服喪。



賜林績粟帛以風之。臣如救鄭鄆而叅楊嗣昌，非所以救鄆也。上命其明言，對曰：古今獨立敢言之人少，讒諂面譽之人多，臣不得不言。上曰：孔子誅少正卯，當時亦稱聞人，以心逆而險行僻而堅，言偽而辨，順非而澤，記醜而博，孔子之誅，今之人多類此。道周曰：少正卯心在欺世盜名，臣心無私，上以褊激恣口叱道周去。道周曰：臣今日不盡言，則臣誠負陛下。陛下今日殺臣，則陛下負臣。上曰：爾讀書多年，祇成佞口。道周又辨忠佞之分，上怒甚。嗣昌乞優容，上曰：道周放胆，嗣昌言彼負盛名。上曰：此即優容矣。諸臣退。

上召回諭以毋黨同伐異，宜共脩職業。

設遷曰：人主之威猶雷霆也，人臣召對往往十不達一二，伺指望色，茅靡波隨比，然也。先帝天性嚴重，詹爾選危于前，黃道周見于後，勁氣直詞，百折不挫，傾朝所未有也。而黃稍褊激，力稱鄭鄆已失其倫，至佞宰藉口天子忤色，孔氏深信宰，予將無同乎？時無赭澆黃土惜哉。

壬申趣錦州衛以鄭鄆獄


八月辛卯朔李夢辰為大理右少卿

洪承疇報陝西賊剿降，盡命出關向河南湖北

國權

崇禎十一年

二十七



癸巳禮科給事中解學尹劾河南巡撫常道立塘報大捷與
提監劉元斌盧九德所報互異殺良飾罪

丙申檢討馬士驊上記注命補其遺

丁酉安定門火藥局復災祭酒陳演方主祭碑中其臂自四

月六月屢見警

楊士聰曰時內操方盛無歲不變而戊寅為甚迨後辛巳

罷內操年餘而變亦絕得非以類而相召與

夜熒惑復故度

己亥李維貞為南尚寶司卿

癸卯流寇自虹縣陷睢寧

乙巳廣西道御史楊鶚言臣縣武陵故交趾左叅政馮貴故

貴州提學副使蔣信故貢士翼元亨並宜賜謚章下所司

起姚嘉應南太常卿

勅戒嘉定伯周全左都督田弘遇右都督袁祐務遷善使子

弟仁讓庶藉近戚以倡衆親倘泛視故違 祖宗之法其誰


敢私

諭外戚郭振明等曰皇親駙馬之家姻聯帝室祿享天福回
視閭閻不啻天淵亦足矣仁人君子當此遭際必安心守分

國權

崇禎十一年

文



不負國恩厚德養儉以保身名乃有蔑棄禮法或濫交覬權
至縱令惡棍魚肉小民受獻霸占科道瞻徇有司畏忌彼甞
甞細民含冤抱恨惟詛謗呼號而已天怒降殃國法因貸
幽則嗣斬顯則身刑人鬼交責即拊心自悔嗟何及矣我
宣宗章皇帝外戚事鑒分別善惡各有報驗足示勸戒特賜
省覽蓋不干法紀即是尊君不思害人即是積德在國恩禮
無虧于己身名俱泰何其美也時外戚張春等數家誑財虐
民每徵子錢奪人田宅子女故有此諭
己酉吏部奏言廢諸臣陳子壯劉宗周王志道鄧英李化龍

吳家周魏呈潤莊鰲獻李汝燦王績燦詹爾選吳芳彥吳執
御李曰輔命再覈奏


辛亥李玄為戶部左侍郎陳演為少詹事黃起有為左春坊
左庶子

癸丑大學士傅冠予告

己未逮前兵部郎中苗思順思順居家怙勢蓄養亡命為奸
利寧陵知縣孟養浩以聞

屬夷哈喇慎求款市搃督宣大盧象升以聞

羅汝才會群盜惠登相常國安賀一龍于陝州遂南掠內鄉



浙川犯襄陽。

九月庚申朔責吏部日者甄別京堂僅借數人調南京或回籍
曲示調停其仍議之

壬戌寇陷 五河縣


建下入墻子路待青山之衆以越遷安薄豐濶遼東副總兵
丁志祥竇濬來援夜戰斬十九級而退建下直南下。

十月庚寅朔戶科給事中鄒士楷論保舉法德行宜重濫舉宜
嚴考核宜詳 上善之

嚴京師守備徵遼東前鋒總兵祖大壽入援留遼撫方一藻

關撫朱國棟薊撫陳祖苞分守命總督盧象升以總兵楊國
柱虎大威進易州出其左且陞且移青登天津之兵出其右
檄搃兵劉澤清以山東兵過其前高起潛為應援


已未召文武大臣及盧象升于武英殿 上問象升方略對
曰命臣督師臣意主戰 上色動久之不懌曰朝廷原未云
撫所云撫乃外議耳象升曰敵之所忌者、宜防偏陵寢以
震人心可慮也趨神京以撼根本可慮也分出畿南剽掠旁
郡扼我糧道可慮也厚集我兵備之則寡發而多失分兵四
應則散出無功兵少則不脩食少則生亂此禦之難也 上



壯之命出與本兵楊嗣昌議象升主戰嗣昌稍阻斷不能
語徒戒勿浪戰象升起別回昌平

甲午盧象升以兵三萬扼昌平然胡騎日南不可遏象升令
諸帥各選勦卒于十月望夜分四路攻敵營約刃必見血人
必帶傷馬必喘汗遠者斬搃監高起潛遺書泥之曰聞雪夜
下蔡州未聞以月夜且奇師尤宜用寡種阻撓象升請分
兵楊嗣昌以宣府大同山西兵屬象升號二萬象升刻期誓
師于鞏華城慷慨涕下如雨嗣昌不能平思阻之擬旨令赴
通州就搃監高起潛象升不赴嗣昌奏敵南下搃督應往通

州就監敵未下搃監應赴京就督象升歎曰本兵不過令搃
監撓我師期耳甚甚會嗣昌赴軍中象升曰公等堅意撫獨
不言城下之盟春秋耻之乎且某叨印劍長安口舌如鋒倘
唯從議袁崇煥之禍立至縱不畏禍寧不念衰衣引縶之
身既不能移孝作忠奮身報國將忠孝胥失何面目立人世
乎嗣昌色戰奮言曰公直以尚方劍加我頸乎象升曰尚方
劍加我頸如不殲敵未易加人舍戰言撫非某所知也嗣昌
曰從未言撫象升曰周元忠赴彼講款數日往來其事始薊
鎮督監受成本兵通國共聞誰可諱也周元忠蓋贖人賣卜



者善遠人故遣之建_下以事大而專令瞽人來直玩我欲斬
元忠乞哀而止時上憂邊嗣昌密奏曰臣惟胡馬不南耳
果盡南不過捐數十城我集師廣集可使隻蹄不返疏入
上善之

壬寅吏部尚書商周祚請召孫傳庭于陝西出潼關移山西
巡撫顏繼祖守德州于是檄延寧甘固剿寇之兵咸剿胡孫
傳庭以降將白廣恩王根子等領萬人出關洪承疇以左光
先馬科柴時華副總兵張天祿尤捷崔仲亨賀人龍劉光先
王存仁王孟顏金守亮李國楨阿吉素等領四萬人繼出潼

關合兵十五萬

癸卯故協理京營兵部尚書閔夢得贈太子太傅


甲辰盧象升改建_下失利

高起潛部將劉伯祿敗于蘆溝橋

庚戌常自裕為南戶部右侍郎總督糧儲趙光忭為右僉都
御史巡撫密雲

諭提漕分監各太監盧維寧崔進楊顯名從便收糧入城毋
疎失

戊午兵部主事沈迅請增設畿南兵備山東巡撫不得離德



州楊嗣昌覆從之于是定州蠡縣廣平河間各增兵備道一
改沈迅為兵科給事中

洪承疇孫傳庭諸將先後出潼關入援羅汝才聞之謂其
勦已也率九營從鄖陽淺渚亂流而涉走均州叩太和山提
督太監李維政乞撫維政言于熊文燦檄止諸軍上言請貸
其罪令諸將宴汝才于迎恩宮署授游擊將軍供億甚備


十一月己未朔辛酉京師閉門自守

壬戌直隸王田教諭陳欽命走多羅崖士民俱奔諸生桑開
基勸死守眾唾之知縣楊初芳亦走尋入城

癸亥建下掠良鄉高陽涿州趨河間自入塞分四道一赴滄
霸一赴山東一赴臨清一赴彰德衛輝

甲子前吏部尚書田唯嘉子敬宗在獄捐助不許後遣戍援
恩例納贖千金


丙寅召對文武大臣詞林亦集內侍入告乃并召工科都事
給中范淑泰奏曰今敵已臨城尚無定見不知戰乎款乎
上問誰款曰外間有此議又允涉警報秘不傳俱諱言其事
上曰机事不抄傳如行間塘報可禁也是日上意憂餉詘
太寺丞戈允禮即言借貸淑泰曰戎事在于行法今法不



行而憂餉即天雨地雨粟何濟。上曰朝廷何嘗不欲行法。大學士劉宇亮自請視師。上壯之。旋又自改為察閱。頗不當。上意。

編修楊廷麟改兵部主事赴盧象昇行營。先是廷麟曾上言。陛下有捷伐之志。大臣無禦侮之才。始建。未犯塞。高起潛亦曰。款必可恃。表裡煽謀。宣情泄弱。大言張。恐喝國中。以抗聖諭。四夷聞之。咸有侮心。一旦東西從約。墻嶺失守。款之款國。遂至猶豫不斷。以至此極也。誠及此時。陛下赫然一

怒。明正言款之罪。諭督臣集諸路援師。不從中制。及今一創。必將東遁。後陣聞之。不敢再犯。其次在擇士。其次在據勢。其次在用間。今事解任人。嗣昌聞人語。戰未敵。色失。由此立志。何以致功。允天下之功。不成于智。而成于愚。者之才。不生。于巧。而生于拙。陛下使諸臣以學自衛。以愚衛國。三捷之。章。豈曰乏人乎。又曰。南仲在內。李綱無功。潛善秉成。宗澤聞。恨國有若人。非社稷福。既改官從軍。象升曰。敵勢盛。官兵趨。之。不返陵。即走京。我兵少食乏。不戰。敵益輕我。戰即生他端。公為我往。真定與撫。按乞糧。我且悉兵誓一死報國矣。



寒 犯定州。

設遷曰世言高陽福相每行邊輒弛警蓋其人魁梧多智
明白邊事然再出鎮卻敵千里之外及憑一孤城卒覆巢
破卵抑福未可長恃耶馮氏保涿州而餘有孫氏保高陽
而不足二相軒輊懸甚而堅瑕相反此其故又未易解也
癸酉建 連陷衡水武邑棗強雞澤文安霸州阜城
甲子丁啟濬為右僉都御史撫治鄆陽
丁丑令孫傳庭暫駐真定總兵劉光祚左良玉屬之
戊寅巡撫順天陳祖苞免楊繩武為右僉都御史整飭薊州

兵備巡撫順天

庚辰建 圍四川威縣明日陷殺邑人編修王建極建極天

啟乙丑進士

甲申括廢銅鑄錢

乙酉朱國柱為右僉都御史巡撫山東海永平

山東總兵官倪寵入援抵德州而返 上責之

建 薄山東德州渡河歷臨清分道一赴高唐州一赴濟寧


州合于濟南省城

丙戌建 至內邱知縣高翔漢力守旬日始退

國權

崇禎十一年

三五



羅汝才既撫分屯群盜于房縣竹山鄖西均州言不願為官
食餉惟為民耕田此中而已文燦檄汝才散脅從簡驍壯立
功汝才不聽與與居民錯壤而居時張獻忠亦就撫屯穀城
汝才遙與為聲援

十二月己丑檢討屠象美以薦刑部主事張鳳翥召對被酒失
所言象美謝罪

辛卯諭大學士劉宇亮督察各鎮援兵奪盧象升兵部尚書
以侍郎提督仍同高起潛戴罪夾剿初以孫傳庭代象升大
學士薛國觀楊嗣昌面奏臨敵易帥恐緩師期不若留象升

責其後効

壬辰建入臨洛

乙未吏部尚書商周祚以贍狗溺職削籍

丁酉命洪承疇入援時建破直隸深州知州孫士美死之


後贈太僕少卿連陷平鄉南河沙河元氏臨城高邑獻縣

戊戌賜孫傳庭尚方劍提督各鎮援兵

庚子大學士方逢年罷以召對不稱旨

盧象升戰于賈庄死之象升所部兵不滿萬而建分道一


自易州趨真定一自新城趨河間一自涿州趨定興勢尤劇



象升戰慶都斬百級。搃兵楊國柱、虎大威又戰殺傷相當。象升銳志合兵伺其隙，有旨切責。象升遂分兵援真定，身至保定決戰。至藁城，謂贊畫主事楊廷麟曰：「公回真定，手書求高起潛相援，起潛不報。近營五十里，竟走臨清。」象升將兵五千，乏食，哀呼莫之應。晨出帳北向拜曰：「吾與爾輩並受國恩，患不得死，勿患不得生。」眾皆泣。于是拔寨兼程至賈莊，剽敵射一騎，敵合圍進。我軍疾馳衝之，敵退。象升曰：「今雖勝，彼必忿集甲乘我，慎勿怠。」明日敵突我營，象升曰：「誰為我取彼者？」搃兵虎大威馳戰不勝，且卻。象升大呼曰：「虎將軍，今吾效命之。」

秋也。毋自愛，乃招後騎皆往，奮刀督戰，身中二矢，二刃，猶呼號不已。馬蹶遇害。年三十九。虎大威、楊國柱皆潰圍以出。高起潛聞之，欲西走皇店，仍東行二十里，值敵伏師潰，侯拱極失平遠將軍印。起潛僅以身免。大學士劉宇亮次定州，聞敗仆地，遂入保定。搃督孫傳庭行營，而象升以嗣昌起潛妬之，謂象升寔不死。踰四年，予祭葬，贈戶部尚書，謚忠烈。

楊士聰曰：象升死于賈莊，以高起潛促之，感憤出戰而死。失亡萬計，千搃張國棟報兵部，楊嗣昌問其始末，欲增飾退却之狀。據以上聞，國棟不肯。嗣昌怒夾之者五，終不易。



口但曰死則死耳忠臣而以為逗力戰而以為怯亦何不可証也。

設遷曰未有權臣在內而大將能立功于外者武陵當國盧提督不戰死即當獄死。等耳寧死于戰賈庄雖敗結髮幸一當匈奴亦計無復之矣閔寧之帥不欲戰宣雲之帥不任戰風塵多故至今封疆之臣上論堅怯惟要人齟齬之是懼嗚呼尚忍言之哉且也暴骨原野亦無可罪必深文誣構豈以張春事槩誅其身後乎遺議搖詆恩虧惟蓋末世所論功罪寧有定乎。

進葉廷桂右副都御史


丁未提師失利楊嗣昌鑄三級失城各官余世名鄭以誠侯

光國葉夢熊逮下刑部論辟許中允成邊劉默等劄

甲寅劉曰俊為右僉都御史巡撫雲南

乙卯建下臨山東東昌我援師雖集俱觀望縱敵中外切齒

丙辰張其平免黎玉田為右僉都御史巡撫保定



國權

崇禎十二年己卯

正月己未朔

庚申建下 陷濟南先是巡撫顏繼祖奉命移德州建下 猝至

梯城而上吏卒駭走巡按御史宋學朱方肩輿出院聞敵登

西城役隸俱奔學朱遇害不得其尸同時左布政使張秉文

糧道副使鄧謙濟南道副使周之訓鹽運使唐世熊濟南知


府荀好善同知陳虞胤通判熊獻歷城知縣韓承宣臨邑知

國權

崇禎十二年

一

國家圖書館, NATIONAL CENTRAL LIBRARY, TAIWAN, R.O.C.



縣宋希堯武城知縣李承芳博平知縣張列宿茌平知縣黃
建極俱死之提學副使翁鴻業推官陸燦俱遁不知所之德
王由樞被執諸郡王並見殺省城焚掠一空


設遷曰濟南一大都會也磐石之宗干城之任謂百世可
賴乃旦夕攻陷曾無旬日之守則玩愒日久戎備寘而勿
講也撫標才三千人顏繼祖移守德州時難兼顧而諸臣
俱選懦不任懾則難經點則鬼脫塗炭下民禍傾青社自
濟南始其後諸王失國相蔓延而未有已也漢安平王緒
為張角所掠國家贖王得還朝議復國李燮言緒在國無

政為妖賊所據守藩不稱損辱聖朝不宜復國議者不同
緒竟歸藩輸作左枝德王事政同惜無以安平王例之長
棄異域流俘沒齒悲夫

搃兵楊國柱虎大威削秩令募兵自效
故貴州按察使孫元恕子光前求加恤謂已廢贈不許故山
東萊州知府朱萬年子貞元求恤許之

壬戌建下臨直隸青縣自臨清分攻

副搃兵祖寬三百騎援濟南敗沒祖寬本胡雛為祖大壽侍
兒敢戰



檢討楊士聰予告

乙丑叙緝奸功東廠太監王之心及曹化淳詹錦衣衛百戶

李經芳歷試百戶

丙寅上享太廟

丁卯林棟隆為刑部右侍郎

吏科都給事中郭九鼎請行營設監軍專紀功罪從之

戊辰督察大學士劉宇亮總督孫傳庭會兵十八萬自晉州

援濟南祖大壽亦自登青至

命雲南道御史郭景昌巡按山東及覈失事情形景昌至

濟南城中積屍十三萬餘悉發倉粟賑貧民

己巳李先春為左僉都御史

壬申甄淑改刑部尚書蕭奕輔為右僉都御史巡撫福建

甲戌建自濟南陷東平州

乙亥陷莘縣復至濟寧臨清固城

丙子兵科給事中沈迅薦張縉彥任濬黃竒遇涂必泓張若

麒于是檢討張縉彥改兵科給事中


建陷營邱館陶

河南巡撫常道立削籍以縱寇渡河也

國權

崇禎十二年

三



甲申建下 至張秋東平陷汶上焚康庄駟攻兗州距徐州百餘里居人南渡安慶巡撫史可法駐徐州督察大學士劉宇亮提督孫傳庭等會兵于大城

丙戌巡按蘇松常鎮御史王志舉薦地方人才王在晉許譽卿周鑣賀王盛等 上責其私濫

丁亥莊欽隣為吏部尚書鄭崇儉為兵部右侍郎提督陝西三邊軍務昌平道僉事李仙鳳為右僉都御史巡撫河南

姚明恭張四知為禮部左右侍郎兼侍讀學士文安之為南祭酒

戊子楊御蕃仍原官提兵鎮守山東

太監高起潛奏德王幼子五歲內臣張國忠等攜匿民間命覈之


楊嗣昌請移登萊提兵于臨清護南北倉又郡邑鄉兵或改府佐為將領或改州佐為守備縣佐為把總否則裁訓導一自代補武秩文武相兼古制也市馬西寧道遠近地馬弱宜以各鎮朋樁銀委官買山東河南批馬如路將給百匹守備把總給五十匹放牧孳生十年內將見蕃息 上是之

建 政滄州青縣趨天津

國權


崇禎十二年

四



編修吳偉業上言今日阡危極矣。皇上當下哀痛之詔。憫人罪已。思咎懼災。弔死恤忠。賞功暴禁。使父老子弟悲憤同仇。人心勃然。戰氣自信。夫臨清一州耳。賈人千金購士。輒用破賊。今以京師之大。公侯貴戚之盛。皇上召之使殿。忠義激之。共捐家財以募死士。更出空頭告身數百道。示犒有功。使入敵營。燒其輜重。毒其水草。臣以為敵氣已惰。陛下威靈四暢。敵必遁逃。但敵去之後。方勞聖慮耳。今日之計。亟遣知兵大臣。選銳九邊。再益以川浙兵各數千人。預防今秋。然後大更法制。上下軍民。日夜事戰。彼不過一州之地。其所用

降人降將。非盡知兵也。但彼飲食長技。皆與兵合。我之飲食長技。皆與反士大夫。狃安習故。曰毋動為大耳。是以坐困。苟非曠然盡變其俗。臣知中國不能以一歲為安矣。夫衛所者。高皇帝所以脩郡縣之備也。事久寢微。虛糜廢弱。今宜清餉。覈軍。甄用世職。其不任者汰之。以授有功。特令大臣典護一省。衛所詳其徵辟。收召義勇。互相唇齒。以壯干楨。且民兵法壞法極矣。兵焚之後。百姓畏死貪生。得縣將倡率團結訓練。數年之內。可成勦兵。若夫備邊之道。在乎選將守國之道。在乎足食。今省試武科。半出情面。京營聽用。不過粗才。誠做保



舉之制大州縣十人次六人州縣以上之府以上之撫按
兵部覈而校閱之設有不稱嚴坐舉者禮數既優士樂為用
矯虎臣端出于此然足食則京師根本矣皇上下積粟
之令公侯貴戚于山東河南遣官收糴預備平價毋致傷農
私窳既充蓄積足恃今天下郡邑社倉積穀徒具文書臣請
長吏贖錢盡輸米粟私折銀者罪亡赦漢人有言曰數石之
重中人弗勝此法一行上官之符不能取下吏之篋不能充
緩急凶荒具有備矣

二月己丑朔

壬辰兵科給事中沈迅請殘破郡邑安集招徠掩骼埋胔新
補各官勒限赴任從之

巡撫山東顏繼祖免逮提兵官倪寵降太監高起潛三級提

督孫傳庭一級察督大學士劉宇亮戴罪


司禮太監崔琳清理兩浙鹽課各項賦稅

丙申劉宇亮削籍敵退官兵復走滄州鹽山宇亮奏諸將尾

敵不戰中及提兵劉光祚而楊嗣昌請謀遂宇亮誅光祚旨

下諸將各引兵去光祚亦不在營適有武清之捷宇亮下光

祚武清縣獄以請且告捷上以倏泰倏叙殊屬乖藐俾九



卿科道議閑住吏科給事中陳啟新兵科給事中沈迅言其
輕議削籍薛國觀擬旨候事平另擬上竟重譴說者謂字
亮入光祿厚賂云楊嗣昌所稱不令隻蹄返者面謾耳

設遷曰綿竹善擊劍慕封侯之業舍我首揆馳騫行間橫
戈十萬所謂結髮幸一當單于也曾不洒血苦戰望旌而
及何以塞嘉命間執讒慝之口竊為綿竹耻之商是而往
武陵南征不復宜興北討終未越通州一步曲沃西劉汚
及簡書彼曉馬設兵廟堂之上畫餅塗羹亦何益之有
戊戌官軍遂胡報斬三千餘級總兵祖大壽張進忠伏兵寶

抵之楊家庄邀斬千餘級大抵逃回難民也建下捆載而東
避寔走虛西至青山口總兵陳國威于喜峰口同南兵前營
副總兵崔秉德擊卻之未出塞

劉景曜為右僉都御史巡撫山東樊一蘅為右僉都御史巡
撫寧夏

追論故宣大總督梁廷棟大辟奪錦衣衛世廕張雲鵬王國
臣張巖郭雲褒等各遣戍


趙州判官王世泰原榆林衛應襲指揮求改武衛

癸卯脩撰劉理順言六事作士氣矜民窮簡良吏令師期信

國權

崇禎十二年

七



賞罰招脅從 上是之

甲辰徐石麒戈元禮為左右通政


乙巳保定天鳴

戊申太僕少卿王萬象免以私營山東巡撫被劾也

吏部署事董羽宸言裁官奉旨大選屆期赴部聽改各官莫
適從臣不得不列銜以請如通判正六品若改用對品止留
守司經歷而府判由科貢予以衛幕未合宜覈其才品優則
降改推官餘降州縣一州判正七品對品改用則布政司都
司副理問行太僕寺苑寺馬主簿監課司經歷監課司副提

舉京外衛經歷宣慰司招討司經歷若正途出身撫按正薦
例陞知縣州同知如由監例則補前闕其願改州吏目縣丞
者聽之主簿正九品對改則布政司照磨檢校茶馬司大使
按察司照磨各府各宣慰司知事其歲貢願改教官者聽之
臣又有請馬各州縣練兵官各一而府有兩通判或三四通
判或州兩判官縣兩主簿如督糧督捕水利莞河之屬各有
職掌駐札或裁貼堂之一代以練兵從之

先是貴州道御史王聚奎劾刑科右給事中陳啟新緘默溺




職有旨責聚奎左僉都御史李先春議奪歲俸上不悅謫
山西按察使照磨吏部左侍郎董羽宸不能駁正奪俸六月
上罷先春先春前河南右布政使以編修林增志薦入并責
增志亦引咎
壬子司禮太監王允中守恪承天申之秀提督九門
巡撫蘇松常鎮御史王志舉劾本兵楊嗣昌調度能無封疆
壞極上責其借題自護
建政遼東松山城四旬不克尋分犯杏山
甲寅董羽宸署都察院事

丙辰逮前巡撫密雲趙光忤

左良玉破賊劉國能于許州國能降將馬守應請降于監軍
孔貞會未決賀一龍李萬慶東走合于馬進忠分掠信陽光
山

三月戊午朔召工部左侍郎張慎言雲南道御史郭景昌貴州
道御史王範于平臺

皇子慈熲薨追封悼王謚曰靈時疾甚言九蓮菩薩來云上
薄待戚屬如不悅且殤盡上聞大恐初上籍武清侯李氏
由是復其爵免籍其貲蓋內臣託皇子神其事上寔未嘗聞




也 孝定皇后夢九蓮菩薩授經覺而記之錄入佛藏作慈
壽寺後立九蓮閣塑像跨鳳傳 皇后即九蓮後身也
上聞左良玉部兵淫掠責之

乙酉召淮揚道叅議鄭二陽于平臺問練兵措餉何如對曰
臣初到揚州各營設有官兵向來相沿虛冒臣刻意簡練有
一額即求足一兵隨練之故歷五年防寇不請一兵一餉也
上曰此一方事謂天下何對曰大抵額設之兵原有額餉但
求實練堪用則兵不虛冒餉自足用是覈兵即足餉也若兵
不實練雖措餉何益 上問練兵曰臣所見只以叅游而下

官練之 上曰何也曰如叅游選千人摠選十百責按兵法
上問措餉曰措餉諸臣條陳盡之矣在得其人如鼓鑄得人
則私歸公家否則在私室 上曰近日各處災傷餉乏奈何
曰裁不急之官亦可省費如揚州有催餉主事不如以巡撫
趣之 上曰催餉主事非定例也鄭二陽又曰臣見破殘州
縣慶都樂城亟宜下寬大之詔收拾人心 上是之

丙戌兵部上裁練事宜曰地分衝緩曰人用世科曰行移節
制曰功罪責成

兵科都給事中張縉彥言失事五案初破正閩陷營城逗石



運潰陽山則總督吳阿衡吳國俊總監鄧希詔道臣黃裳吉
援密總兵王承胤宜罪又青山續入則巡撫陳祖苞總兵陳
國威分監孫茂霖道臣李挺宜罪又殘破城邑則總督盧象
升總監高起潛總兵王朴楊國柱虎大威侯拱極贊畫則楊
廷麟巡撫張其平總兵劉光祚總監方正化分鎮陳鎮夷道
臣李九華劉在朝王之楨吳鼎天津巡撫杜三策總監盧維
寧總兵劉復戎道臣蔣慕楷宜罪又失陷藩封援兵則督察
劉宇亮總督孫傳庭總監高起潛及調發逗留諸將李績祖
寬郭進善楊振王鳴善徐成友屠朝相劉伯祿李得威巡撫


顏繼祖總兵倪寵巡按宋學朱等宜罪又飽颺出口援兵則
督察劉宇亮總督孫傳庭陳新甲等宜罪以上五案在邊首
論入口則墻路更重在內首論失陷則藩封更重若出口則
罪有差等法無寬恕也又及巡按御史劉呈瑞張懋燝兵部
郎中趙光忭員外郎孫嘉績大學士楊嗣昌 上是之

四月戊子朔署吏部尚書董羽宸鑄二級以枚卜延緩也

鎮守通州兵部右侍郎仇維楨回部郭建初為順天府尹

辛卯左都督楊德政為總兵官鎮守保定

左良玉破賊于鎮平李萬慶乞降刈民麥以自給良玉諭止



之不聽

壬辰命駙馬都尉鞏永固往濟南告慰先德王園寢

癸巳撫治鄖陽戴東旻免

仇維禎李邦華為南戶兵部尚書沈猶龍為右副都御史仍
巡撫福建

甲午鄭二陽為右僉都御史巡撫安慶王鰲永為右僉都御
史撫治鄖陽

諭兵部彙崇禎七年後條奏脩練儲備刊布天下

免南直高淳縣去年旱蝗田租

丁酉逮前巡按四川御史韓一光以苛索也

辛丑復故大學士文震孟官致仕先是丙子六月震孟卒撫

按以閑住不敢報訃至是吏科給事中吳麟徵奏震孟由田

間而侍從由侍從而輔臣皆出于 皇上非常之知遇而


皇上所以于諸臣之中殊恩獨斷簡置論思得非以震孟在

先朝則催折非常事 皇上則勤勞最深而至春秋進講時

又聞其慷慨敷陳啟沃良至 皇上虛懷注聽採納獨深此

當睿記之中無俟臣言之贅 皇上恩威所被並是生成其

于震孟之去又得非稍示琢磨以定環玦之賜而惜其悔罪



自傷假年無術溘焉長逝寂矣夜臺景運難逢恩光有待
皇上亦惻然而動遺簪敝履之思乎或還故官或量加恩恤
一注念間明君臣始終之誼

壬寅夜月食

癸卯禮科給事中邱^姜琛言近月以來傳聞皇上建設齋醮臣
私疑之正德初年從事內典太監劉允馳驅西域十數年間
持咒結印當其時也靡費大官訛傳道路皇上懲前毖後
聰明絕世豈真見不及此固曰聊復爾爾然唐虞之寬仁必
非佛氏之慈悲也宗社之安危必非佛氏之禍福也願役

馬以九重之尊對西竺之繁文此臣必不敢以為可也山西
道御史廖惟義亦言之不聽

曠鳴鸞為太僕少卿

諭釋輕囚

甲辰張天麟為右副都御史巡撫雲南
復前王光先吏部尚書官

河南貢士賈豐年牛金星有罪戍邊


丁未張光祖為後軍都督府僉書

戊申大學士程國祥致仕

國權

崇禎十二年

十三



左良玉率副將陳永福金聲桓擊賊斬首二千七百餘級良玉遣將降劉國能招之

巡按雲南御史涂必泓言四事緩夷司以奠遠民慎銓選以飭吏治嚴糾劾以新耳目稽程限以申新命 上是之


庚戌李萬慶率衆四千解甲降于良玉署為守備其黨散去七千餘人

辛亥榮王由棹薨謚曰憲王

乙卯補上 孝靖皇太后 孝純皇太后冊寶

薦舉縣丞沈時請開採報聞

丙辰逮巡按山東御史郭景昌景昌論濟南失事疏略曰濟南藩封之變誰司中樞而被禍至此豈非楊嗣昌拱手送之敵耶使當時倪寵勤王至德州即令就近守濟寧顏繼祖遣反濟南未墟也今倪寵顏繼祖既逮當死而嗣昌罪出其上即濟南不發救兵死有餘辜矣若不先正其罪令苟延性命混辱朝班仍議人之功罪則功罪不愈為不明何以懲前又何以懲後乎 上怒其黨同伐異借題攻訛逮下獄景昌又從獄中上章論嗣昌謂忠佞分途止論臣言之當否何謂臣跡之同異有旨切責十一月戊代州




京城浚濠廣五丈深三丈兵科給事中夏尚綱言連年胡騎
入犯皆藩籬失守門庭無恙若使塹水足拒則去冬長驅如
通德滄濟其為廣川巨浸知復無九而揚鞭飛渡如入無人
則控扼險要在人不在險明矣今擲此百萬于水濱孰若移
而用之于岩疆要害使胡騎不敢入犯之為得哉
五月丁巳朔楊嗣昌奏失事五案曰邊備失机曰陷城曰通款
曰藩變曰損將上從之邊備失机鄧希詔楊芳趙光璧田
祿劉文耀孫宗陷城陳祖苞張其平李慕隆趙之昂頡三省
張昌期王應元李芳塘雷之渤徐完一劉銓翟運晉胡應瑞

通款高唐知州尹亮陳相望郭士貞楊炯藩變顏繼祖倪寵
祖寬郭進道損將李重鎮劉銓縱敵出塞孫茂霖陳國威崔
秉德韓文獻

戊午脩奉先殿成
已未劉廣生為戶部右侍郎督理錢法蕭譽為右通政
山西按察副使魏士章請禁有司收賦羨耗遣京官搜括天
下錢糧充餉從之

設遷曰財猶水也挹注則不涸壅則閼矣故官民相通中
外相餉今舉天下之大毫較塵美無纖渺之贏必歸于左



藏而後已一之為甚其可再乎國家久長之計柰何以不再令也


督理錢法戶部右侍郎李玄言部覆當二錢以四十文抵銀一鑲今聖諭以萬歷泰昌天啟當崇禎制錢俱六十五文抵銀一鑲則當二錢宜三十二文半為率旨尚未下玄遽榜示鑄二級

徐人龍為右僉都御史巡撫登萊王繼謨為右僉都御史巡撫密雲李世謨為光祿寺丞

六月丁亥朔張三謨戴澳為大理左右寺丞

己丑薛國觀蔡國用范復粹進太子太保戶部尚書兼文淵閣大學士楊嗣昌復原官不叙姚明恭張四知魏炤乘各賜金幣廕監前大學士張至發孔貞運劉宇亮傅冠程國祥方逢年各賜金幣太監曹化淳廕錦衣衛指揮同知劉元斌盧九德李承芳卞希孔王裕民王德化並廕錦衣衛指揮僉事俱叙運籌卻敵功內璫倖冒乞論執政恬不為辭于心安之何哉

庚寅光祿寺錄事孫晉推南太僕寺丞上以遷謫陞轉各衙門一體孫晉凌躡詰吏部文選郎中林胤昌回奏



癸巳刑科給事中孫承澤言保舉法誠關門咨岳之盛心微
公赴車纍也茂才異等寔未有聞尋常布衣膺民社詎無
蟻慕而蠅逐者古人云上以孝取人則勇者割股怯者廬墓
上以廉取人則敝車羸而惡衣菲食宋蘇軾曰得人有道在
知人知人之法在責實當今最急毋如強兵裕國草澤間果
諳悉兵法留心國計不費加派而九邊充足授之以官而後
用毋用而後試庶真才得而奔競息矣

甲午王忠為鎮朔將軍都督同知總兵官鎮守宣府馬科為
都督同知總兵官鎮守山海關馬爌為都督僉事總兵官鎮

天津

戶部請遣給事中六人分催直隸浙江湖廣河南江西山西
陝西錢糧從之

乙未叙守松山功進金國鳳署都督同知廕錦衣衛千戶餘
各有差

丙申鎮守通州總兵官劉澤清疾免


洪承疇言屬夷明暗等屢乞撫賞今後若建不入西協則
撫賞如故否則導禍無疑即草賞進剿從之

庚子火藥局災

國權

崇禎十二年

十七



癸卯御馬太監趙本政提監真定保定涿州昌平

禮部尚書林欲楫請覈僧道贍地毀淫祠括絕田助餉

宋玫為太常少卿

劉良佐為副總兵分鎮徐州

吏部吏考選科道部曹不兼科貢被詰責

官撫民為征西將軍署都督僉事總兵官鎮守寧夏王秉忠

為都督僉事總兵官鎮守通州

左懋第袁愷陰潤范士髦蘭剛中為給事中詹時雨李近右

汪承詔張緒論楊四重為試御史吳昌時等並各部主事昌

時前選吏部疏上 上自手定先後亦不測昌時謂薛國觀

中汝之恨次骨上出復河套議允言不可復者俱入選或曰

楊嗣昌密議棄遼東故例以河套也

巳酉榮世子慈炤薨


壬子存問前大學士周延儒王應熊黃士俊賀逢聖孔貞運

張至發

甲寅特免海州田租

七月丙辰朔免黨壽等二十六州縣馬價銀十之二

戊午司禮太監張榮提督九門



辛酉南居仁周鳳翔為左中允李日宣為兵部左侍郎協理

京營劉餘祐為通政使

司禮太監王裕民提督京營

壬戌戒午門端門諸內臣延致朝士

督脩歷法光祿寺卿李天經上西洋人湯若望神輿格致書

三卷

癸亥李國奇為都督僉事提兵官鎮守陝西

甲子巡撫應天張國維上水利全書

建下 四千騎至舊開平又與哈喇慎卜石鬼二夷市馬為兵

科給事中曾應遴言預脩

乙丑吏部尚書莊欽隣奉召五閱月未至罷之

丙寅戴澳為順天府丞

丁卯令法司以五案獄上

授宗室朱謀超中書舍人謀表由櫟俱知州統鄒通判敏灝

謀堡華均常淺鼎涇統艦常渾俱知縣

庚午汪慶為南工部尚書


辛未禁中外官餽遺請託

壬申奪總理尚書熊文燦官仍留任

國權

崇禎十二年

十九



乙亥楊方盛為順天府丞
癸未傅永淳為左都御史

逮總督宣大孫傳庭前撫治鄖陽戴東旻并免太監趙本政
時傳庭託耳曠巡按御史 代題教諭某以傳庭同鄉候


之密語偵其詐計奏故逮傳庭及巡按御史

乙酉都督同知張天禮為總兵官鎮守山西梁甫為總兵官
鎮守臨洮

都督左良玉追張獻忠于房縣中伏大敗失其符印中軍羅
盛死之事聞贈岱都督僉事廕世百戶熊文燦草秩視事良

玉戴罪殺賊

德王由樞陷于建下遣內官王朝進張福祿都司徐文師上
書自廣寧入叅將夏成德以聞御史汪承詔言宜火其書勿
傳外王朝進等宜編置遠方毋浪傳敵信萬一 皇上轉親
之念篤宜別遣邊人量賚用物俾申德意若曰王不造失守
社稷遠播沙漠庶几戎狄悔禍隆禮有加王宜優游塞外以
終天年朕已撫王嗣俾承舊服俟其成立當使自將待邊以
泄王憤如此庶彼知朝廷大義而可絕其涎垂杜其凌侮報
聞。




設遷曰楊嗣昌初議表餌故事異一通款而 上頗猶豫
即之即許也又朝廷體重索何先詘令德王流落塞外國
家不幸維城無羈紲之安因惇睦之義藉以專使正告建
卜曰天子至仁不忍一物失所况懿親乎德王蒙塵邊臣
各論罪不貸幸爾之患王猶相存也聞之疚惻又且義鑒
其淹恤長老塞外于爾何裨焉往邊臣屢奏仍通市貢朕
實追痛焚掠未之輕允今能全我介藩具知良意果獲南
返即市貢以相報罷兵息民春秋時見亦爾長計非朕展
親大義故特爾先非朕所私如浮意繁詞挾之為重朕不

任此一役也最有名于國體不褻 上必垂聽而楊嗣昌
及絕不及此豈非憤者乎字文護迎母于齊陳霸先迎
弟于周古人嘗行之矣廟議一失其後遣^兵主事馬紹
愉通款則藝我甚矣惜哉

八月丙戌朔兵部右侍郎王道直為左侍郎清黃

庚寅前吏部尚書謝陞起太子太保吏部尚書蕭譽劉尚信
為左通政

誅五案失事諸臣三十二人巡撫保定張其平巡撫山東顏
繼祖知縣李慕昌趙之昂頡三省張昌期王應元李芳塘雷



之渤徐完一劉銓翟運晉胡應瑞尹亮陳相望郭士貞楊炯
摠兵倪寵陳國威崔秉德韓文獻郭進道內監鄧希詔孫茂
霖等故巡撫順天陳祖苞先飲藥死子編修之遴扶柩回例
請恤郵符 上以祖苞飢法命之遴永不叙用
岷王企鰲奏巡按御史林銘球以冊封南豐王 贖薄因
知府陶珙構陷今銘球奉命再巡一年臣何堪毒害乞如大
明律聽訟回避臣定幸甚


癸巳限疏題奏字六百五十兵刑錢穀上論

甲子^午大學士薛國觀請更東宮講讀官明日檢討張居奏引

答且刺閣臣曰陰陽失調水旱不時皆諸臣不職國觀奏辨
上以張居講音蹇澁調降二級

誅 元氏知縣劉業燦江西樂安人崇禎丁丑進士城陷
通款籍其家父兄編戍二千里妻女入官為奴

設遷曰宋劫盜張海橫行數路將過高郵知軍晁仲約度
不能支具迎以牛酒勞且厚遺之海悅竟去不為暴事聞
朝廷大怒富弼等咸欲誅仲約范仲淹爭于上前得免死
劉業燦城陷又非仲約比止誅其身足矣藉產俘孥則又
刑之失其平也



丙申撫治鄖陽王鰲永奏乏餉兩月鎮守新舊萬三千人馬
二千匹歲費二十餘萬請酌發鹽引召商支賣收價資軍需
行淮鹽舊行川鹽憚于入峽不如因而通之則民與法俱便
已亥免直隸唐縣等四十州縣去年田租十之五禹州等十
州縣十之二河南光州等八州縣十年之二去年之五
庚子命禮部再訂禮服圖
辛丑福建長樂縣異風壞海上民舍亡筭
癸卯進方一藻兵部尚書仍巡撫遼東
乙巳宋之普為太僕少卿轄西路

丙午楊希旦為大理右寺丞


庚戌磔故庶吉士鄭鄮于市初法司擬辟上怒其瀆倫命
加等鄂南直武進縣人天啟壬戌進士選庶吉士未久直諫
聲滿宇內以淫悖敗

壬子命楊嗣昌以原官督師討流盜賜尚方劍

羅元賓為右僉都御史提督操江

朱繼祚為南禮部尚書戶科給事中左懋第劾繼祚前附魏
忠賢纂修要典不聽

洪承疇出山海關至中前所以千搃某虛冒誅之某為搃監



高起潛私人因郅承疇薦劉肇基提兵吳三桂團練兵部准
三桂

九月乙卯給楊嗣昌四萬金賞功牌千五百蟒紵緋絹各五百

戊午蔣德璟為少詹事

壬戌吏部左侍郎董羽宸降南京尚寶司卿

命錄囚

己卯宴閣臣于平臺後殿上手觴楊嗣昌三之賜詩勒詩

于各文廟嗣昌南征會兵十萬本折色二百餘萬金

前南兵部尚書許弘綱卒

己巳張福臻為兵部左侍郎葉有聲為大理卿

司禮太監王德化提督東廠司禮太監兼東廠太監李承芳

下刑部獄先是承芳請籍太監王體乾產可百餘萬後不能

實其言遂指為移匿逮體乾門下季晉田玉劉文忠趙本政


于東廠並沒產累數十家尋亦被逮辛巳戌外衛

辛未都督僉事劉鎮藩為提兵官鎮守浙江

甲戌內官監太監杜秩亨提督九門

丙子馬司理為尚寶司卿

叙陵殿功賚內外官有差



丁丑徵士陳繼儒字眉公南直華亭人壯歲棄諸生專事
博綜善古文詞崇禎初光祿卿何喬遠吏科給事中吳永順
工部右侍郎沈演御史魏士章巡撫江西解學龍各奏薦不
赴年八十二所著書多行世

范景文曰先生老而好學手不停披至于禽遁星緯邊屯
鼓鑄五厨三略霞笈梵籤無一不撮薈而秘之胸笥授之
筆采咳唾珠玉擺指雲烟內而紫禁丹宮外而雞林百濟
得其片紙隻字如獲百朋而先生日與野僧高士穿花洗
竹自尋茆檐曝背之樂即仰面看屋梁亦非其意所屑也

探賸索隱如邵康節其學益老其德益邵不事表暴不設
防畛群居燕笑終日不為甚異人無貴賤少長一接以誠
清而不激和而不流則先生居然其後身也

庚辰張學周為太常卿

是秋彗星見參分

十月甲申朔丙戌彗見又見


故東江總兵金日觀贈太子太師立祠世外衛副千戶故
錢富贈都指揮同知世百戶

丁亥姚應嘉為南大理卿馮元颺為南太僕卿

國權

崇禎十二年

五



戊子涂國鼎改南吏部尚書趙光岳為光祿少卿

巳丑諭停刑命各大臣直言

庚寅中書舍人陳龍正言因彗星 皇上求直言停刑敬天之道至矣語曰事天之實以實以不文臣請更進曰事天以恒不以暫何謂實求言今日恤刑之實是也何言恒願歲勿忘此求言恤刑之心是也 上善也

甲午山東道御史張肯堂請益臣久任課實效從之

乙未林棟隆倪思輝為刑部左右侍郎

丙申諭兵部建東西謀犯允近城邊堡各收拾糧芻毋倉

皇致失

先是刑部尚書劉之鳳擬 刑可棟失出之鳳論死刑科

給事中李清言于律未合


鳳陽地震

丁酉武英殿賜中書舍人沈廷揚言膠萊海運

戊戌張延登為南右都御史解學龍改南兵部右侍郎

上諭彗星雖隱仍各脩省

叙禦胡城守功薛國觀范復粹進少保吏部尚書武英殿大學士廕中書舍人復粹廕監姚明恭張四知進太子少保戶



部尚書文淵閣大學士各廕監
庚子中書舍人陳龍正請正郊期古帝王郊天不用至日孔子對定公曰周之始郊其月以日至其日以上辛卯特牲曰郊之用辛也周之始郊日以至王肅曰周之郊祭于建子之月也用辛日者以冬至陽氣新用事也夫冬至不恒遇辛則用辛為冬至之月明矣臣謹按上辛謂日至之月第一辛日如冬至在十一月下旬則用仲辛冬至在十一月初旬本月無辛則用十月下旬如崇禎十二年十二月二十八日辛巳冬至宜十八日辛未郊也章下閣部

甲辰故

宋治成贈兵部郎中

王紹禹為都督僉事總兵官鎮守河南

丙午左良玉拜平賊將軍良玉所部多降將楊嗣昌謂可滅

賊請于 上故命之

馬守應賀一龍犯安慶桐城遠將黃得功川將杜先春屢戰却賊。每避其鋒

十一月甲寅朔劉宗祥為右僉都御史巡撫江西


遠總理兵部尚書熊文燦

都督僉事吳三桂為遼東總兵官團練寧遠兵馬

國權

崇禎十二年

三



陳龍正上郊期攷辨尋申奏至月上辛之義

丙辰故 鄧可藩贈光祿卿

丁巳王國賓為右僉都御史巡撫山東

戊午先是浙江仙居知縣過周謀以薛國觀所舉託同鄉吏

部文選員外郎熊文舉餽五百金營轉禮曹手書隱語五百

年名世為東廠所緝國觀奏辨委其事于舉時文舉主試

未至刑部鞠其父應之論成文舉官如故

前庶吉士張居請行銅鈔從之

己巳夜月食

甲戌黃希憲為太僕少卿轄東路

丁丑督脩歷法光祿卿李天經言日食事命新法訂之

己卯楊汝成為南祭酒

林棟隆改吏部左侍郎

辛巳 上南郊

劉廣生改戶部左侍郎常自裕為右侍郎督理錢法

十二月癸未朔陳龍正遵旨詳奏郊廟


甲申 總兵官陳洪範疾免

乙酉琉球國入貢

國權

崇禎十二年

三



戊子前吏部尚書王永光卒

辛卯午刻黑雲見于浙江嘉興二日而退

癸巳督理河道工部尚書周鼎疾免

乙未江南蕭縣山鳴

庚子劉承嗣 伯

辛丑起畢懋康南戶部右侍郎提督糧儲倪思輝王心一為

刑部左右侍郎

丙午萬壽節丁未御殿受賀

錢士貴為太常卿

庚戌李紹賢為左庶子張維機朱兆栢邱瑜為右庶子南居

仁錢受益為左右諭德華琪芳為南少詹事


辛亥李夢辰為通政使吳兆元為右副都御史巡撫雲南兼


督川貴兵餉

命正一嗣教真人張應京禳旱


兩京河南山西山東報旱災

魯王壽鏞薨謚曰肅






國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches


© The Tiffen Company, 2007

Inches 1 2 3 4 5 6 7 8
Centimetres 1 2 3 4 5 6 7 8
Blue Cyan Green Yellow Red Magenta White 3/Color Black




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8
Centimetres 1 2 3 4 5 6 7 8


Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

TIFFEN Color Control Patches © The Tiffen Company, 2007




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





TIFFEN Color Control Patches


© The Tiffen Company, 2007


Inches 1 2 3 4 5 6 7 8
Centimetres 1 2 3 4 5 6 7 8

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393439 v.56

國家圖書館, NATIONAL CENTRAL LIBRARY, TAIWAN, R.O.C.





國權

崇禎十三年庚辰舍人未報制以祿云際世味祿未大文對
其書劉于身與未大書于籍書制亦
監官設遷孺木著



崇禎十三年庚辰

正月癸丑朔天下官來朝

議郊用上辛日

甲寅許大臣還私第

劉肇基為署都督僉事提兵官團練遼東寧遠兵馬

洪承疇言寧遠城有鎮監撫道等官營伍紛雜事權掣肘因


命軍務聽提兵官節制凡監撫按鎮官同城並如之

國權

崇禎十三年

一

國家圖書館, NATIONAL CENTRAL LIBRARY, TAIWAN, R.O.C.



丙辰張國維為工部右侍郎提督河道

丁巳中書舍人楊金洪周萼下獄

戊午 上享太廟

癸亥辦文武章服

甲子喬可用為錦衣衛指揮僉事

乙丑逮湖廣巡撫方孔炤

丙寅廷杖中書舍人朱紳除名以浙江湖州知府朱大受發

其鬻陰于長興朱汝器子謙也紳亦許大受不法

丁卯諭邊臣嚴備敵

夜東方黑氣彌空連三日洪承疇見之占主大警

戊辰黃希憲為右僉都御史巡撫應天宋一鶴為右僉都御

史巡撫湖廣

壬申白騰蛟為署都督僉事提兵官鎮守薊鎮

癸酉張三謨為大理右少卿

東廠獲賄籍詞連吏科都給事中阮震亨令回奏

丙子陳新甲為兵部尚書


吏部尚書謝陞等劾阮震亨通賄敗類報聞

大理左寺副許自孝言 皇上御極以來尚未謁陵今宜亟

國權

崇禎十三年

二



舉至于視學更宜嗣行做 世宗朝十二年十三年連幸太

學之事及定大閱之期大彰賞罰報聞

己卯兵部左侍郎張福臻總督宣大

故 耿胤樓贈光祿少卿

庚辰阮震亨下鎮撫司論死

閏正月癸未朔令覲官領勅即赴任

召巡撫雲南呂兆元順德府同知范志完于平臺志完敢大

言請身歷衝邊

乙酉紀錄卓異諸臣蘇州知府陳洪謚多逋賦戴罪不預

命巡城御史煮粥賑饑發八千金賑真定

丙戌李天經言去年十二月誥勅房加銜大理右寺正王應

遴上歷法八議禮科叅處其訛舛有至一日二日或數十刻

即一議餘可知矣臣惟脩歷幸 皇上內廷親驗新法為近


餘皆疎遠欽定更正勅令張守登等旁求叅攷奉旨兩載應

否更正該監自當仰遵非臣所得而強也

丁亥內臣尹希詔娶婦下獄成邊

戊子葉紹顯為南光祿卿

庚寅浙江永康知縣朱露言有司恣言科罰且借寇櫻取各



撫按容隱不言 上命申飭各官令露入朝

甲午中書舍人沈廷揚請試海運從之

壬寅楊嗣昌薦 州推官萬元吉前杭州推官楊卓然

推官胡平表等十人各授監軍道僉事 監軍艾毓初言滅

汰欺蒙之狡將誅逗留之懦將不然互欺朝廷未察黃巢之

禍再見于今日也嗣昌因申飭文武軍容改觀

侍讀學士陳演為禮部右侍郎

河南按察使李時光言六事守督大家戰汰驕兵察用恬吏

惠先苑民寬致脅從於釋故贓

癸卯李虞夔為右僉都御史巡撫寧夏

諭戶部以永清保定霸涿大城良安新城東安武清固安糧

芻給畿南飢民

甲辰發帑金六千賑山東


廣西按察僉事謝宗一奉旨條地方利弊曰八排賊數宜掃

檠獠叛將賊宜撫曰狼兵統御有法曰富賀八錫礦宜公開

日格餉逋負宜追補曰假差若兵宜嚴禁

丙午浙江大風霾

丁未先是中書舍人陳龍正遵旨再奏古辨郊期有至月至



日之分而要皆子月也冬至為子中子半則前此十五日不論十月十一月皆子月之前半也大雪後為子月非亥月攷之于古周易其據也孔子論郊日則云上辛提日干者以祀日之有定干也日則云日至不指月支正以節氣或先或後推盪不常十一月固屬子或十月望後即屬子或十二月望前猶屬子若直云子月恐人之泥于十一月朔晦而昧其推盪之氣爽其先後之理也夫報天者反其所自始用上辛迎之于先則合反始之義周至日則是迎之于中半而非迎之于始也郊者迎一陽之始宜在至前賀者履一陽之成宜在

至日有旨十二支建月確然不移冬至未交節以前仍屬亥氣剝極而復一陽始生何至日為一陽之成月朔謂之吉月故禮重告朔况大享不卜冬日為定日故不煩更卜迎陽禮成因慶成受賀自有次第先後何得以已意附會

己酉召兵部尚書陳新甲于平臺新甲上保邦十策

故南兵部尚書許弘綱贈太子少保子祭葬

辛亥吏部奏截俸行取各官命截俸至十二月

巡撫登萊徐人龍言成山海運險有旨海運由膠萊仍與河漕無異不必議大海運由萊必由成山云與漕河止異誤矣

